



UNIVERSITÄTS-
BIBLIOTHEK
PADERBORN

Universitätsbibliothek Paderborn

Monumenta Paderbornensia

Ferdinand <Paderborn, Bischof, II.>

Amstelodami, 1672

Epistola Dedicatoria.

urn:nbn:de:hbz:466:1-7830





UNIVERSITÄTS-
BIBLIOTHEK
PADERBORN



REVERENDISSIMO CELSISIMO QUE
PRINCIPI
FERDINANDO,
EPISCOPO PADERBORNENSI,
COADJUTORI MONASTERIENSI,
S. R. I. PRINCIPI,
COMITI PYRMONTANO ET LIB.
BARONI DE FURSTENBERG,

*Christianus Theodorus à Plettenberg ex Lenhausen,
Canonicus Hildesiensis gloriam & felicitatem.*

PA NEGYRIN, Celsissime
Princeps, quam Joannes
Horrion è Societate Jesu
vir doctissimus Theodo-
ro Episcopo & Principi
Paderbornensi, magno
patruo Tuo dedicavit, elegantiori nunc
* 2 ty-

E P I S T O L A

typo , multisque munditiis ornatam &
expolitam Tibi sisto,gravibusque de cau-
sis eam Tuis potissimum auspiciis denuò
in publicum produco , atque per omnes
Germaniæ nostræ,imò totius Europæ vel
potiùs orbis terrarum regiones atque
provincias ostento. Etenim non solùm
genius meus tot nominibus Tibi obstri-
ctus atque mancipatus hoc mihi suadet
& imperat , sed etiam summâ virtute at-
que doctrinâ clarissimorum & immorta-
lium virorum, Leonis Allatii, Lucæ Hol-
stenii, Rottendorffii, utriusque Grono-
vii, Wallii, Masenii , Heinsii , Holter-
manni, Corvini & aliorum , qui suis ope-
ribus quantumvis luculentis semperque
victuris æternum nomen Tuum præscri-
bendum esse censuerunt , gravissima au-
ctoritas , & heroïcâ indole , virtute ac e-
ruditione Tuâ subnixum judicium ad id-
ipsum

D E D I C A T O R I A.

ipsum me excitat & impellit. Viderunt enim viri illi sapientissimi , totaque Res-publica literaria intelligit , neminem hac tempestate sacri Romani Imperii Prin-cipem esse, qui optimarum literarum stu-dia , virosque summis ingeniis exquisitâ-que doctrinâ præditos magis amet , & in sinu atque deliciis habeat , eorumque lucubrationes ad confluentes Luppiæ & Alisonis velut ad Permessidos undas de-volantes, majori comitate excipiat,quàm Episcopum & Principem Paderbornen-sem. Quam quidem longè amplissimam laudem ac gloriam tuam etsi livor & ob-trectatio conetur arrodere ; maximo-rum tamen Imperatorum ac Principum, Julii Cæsar is , Augusti , Vespasiani , Tra-jani , Adriani , Antonini , M. Aurelii , Caroli M. Ludovici Pii , Friderici I. Maximiliani I. aliorumque laudatissima

* 3 exem-



E P I S T O L A

exempla præclarè tuentur , qui doctissi-
mos ævi sui viros , Sallustium , Titum
Livium , Athenodorum , Josephum , Plu-
tarchum , Arrianum , Suetonium , Corne-
lium Tacitum , utrumque Plinium , Egin-
hardum , Paulum Warnefridum , Ot-
tonem Frisingensem , Cuspinianum , Sta-
bium , Pyrcamerum , aliosque historia-
rum & antiquitatum scriptores eximiâ
benevolentia sunt complexi . Quamvis
autem hæc erga bonas literas egregia vo-
luntas in principibus viris clara semper æ-
ternaque sit habita , ea tamen in Te mul-
tò pulchrior enitescit , quia Tu ipse es o-
mni liberali doctrinâ politissimus , quam
assiduâ exercitatione & continuis ab in-
eunte ætate laboribus atque vigiliis Tibi
comparasti . Nullum est enim illustrium
disciplinarum genus , in quo non sis dili-
gentissimè versatus , ita ut novem Musæ

in



DEDICATORIA.

in Te uno bonis artibus universis eru-
diendo atque exornando certatim omnes
industriæ suæ nervos contendisse videan-
tur. Testem volo non tantum Germaniam
nostram, sed etiam Italiam, & in-
primis urbem Romam, ubi exquisitissi-
mâ eruditione Tuâ non solum imi subfel-
lii viros, sed etiam majorum gentium
Præfules, Principes, Cardinales, ipsum
denique summum Pontificem Alexan-
drum VII, quantum erat hominum li-
teratorum literatissimum, adeò Tibi de-
vinxisti, ut inter primores cubiculi Ponti-
ficii ministros allectum familiarissimè Te
semper adhibuerit, & quidquid ex im-
mensis supremi imperii curis & occupa-
tionibus vacui se temporis obtulit, id
Tuæ potissimum consuetudini, ac sua-
vissimis de re literaria sermonibus im-
penderit. Plura dicerem, nisi vererer gra-
ve



E P I S T O L A

ve fore modestiæ Tuæ , omnia quæ in Te
sunt virtutis & industriæ ornamenta ab
illaudato cliente prolixè laudari. Et cer-
tè quid opus est in illa celebritate nominis
Tui , & vulgata eruditionis fama multa
adferre in medium ? Sunt in manibus di-
vini ingenii tui monumenta , quæ omnis
æternitas intuebitur , quibus nobilitati
Germanicæ ostendisti , *nullam in universo*
mundo posse esse fortunam , quam literarum non au-
geat gloria notitia. Ideò quicquid usquam
est hominum eruditorum ad Tui nominis
venerationem provocasti. Quid enim
(ut nihil dicam de carminibus Tuis , quæ
ad veterum Poëtarum acumen , & Latini
sermonis nitorem ac elegantiam pro-
ximè accedunt) M O N U M E N T I S T U I S
P A D E R B O R N E N S I B U S , ob recondi-
tam eruditionem & quandam incredibi-
lem varietatem rerum & copiam , atque
fua-

Cassiod.
lib. 10.
Var. E-
pist. 3.

DEDICATORIA.

suavitatem orationis admirabilius? quid
limatius? quid venustius? ut nullum su-
persit antiquitatis monumentum, quod
invicta tua sedulitas & sagax industria
non deprehenderit? Quamobrem sa-
pientissimo summorum virorum judicio
nullum illustrius in diœcesin tuam à te
beneficium potuit proficisci, quàm quòd
hactenus latentes nobisque incognitas
tot antiquitates ab oblivione perpetua
vindicasti. *Cum enim omnibus illis, qui civita-*
Nicolaus
Cisnerus.
tes vel populos imperio suo subjunctos habent, summo
J. C. in
prefat. in
studio summâque curâ in id incumbendum sit, ut suæ
Joan.
Avent.
gentis & nationis res gestas, bella, fœdera, pacts, leges
& mores teneant. Id à Te, Princeps Celsissi-
me, tanto majori cum gloria perfectum
est, quanto graviores eâ gratiâ labores
suscepisti atque exantlasti. Erit itaque
hoc monumentum nomini tuo perpe-
tuum, quod nullus iniquioris fortunæ

**

ca-



E P I S T O L A

casus , nulla vetustatis invidia , nulla fu-
turi temporis longinquitas poterit abo-
Diodorus
Siculus. lere. *Cætera monumenta ad breve tempus perdu-
rant variis casibus obnoxia , historiæ virtus per uni-
versum orbem diffusa , ipsum , quod cætera consumit ,
tempus sui custodem habet.* Verùm enimverò
in hac ipsa Academia Tua , quam Theodo-
rus magnus patruus Tuus sanctissimo-
rum Præfulum Baduradi , Meginwerci
atque Imadi antecessorum suorum erga
bonas literas eximio studio sanctissimo-
que inflammatus exemplo , cujusque na-
tali die hic Panegyricus , quem Tibi ele-
gantioribus formis recusum consecra-
mus , in lucem editus est , in hoc , inquam ,
celeberrimo Musarum domicilio , in urbe
hujus provinciæ principe constituit . Qua-
li Tu , quantâque curâ ac diligentia o-
mnes bonarum artium disciplinas prove-
here , & ad summum perfectionis apicem

per-



D E D I C A T O R I A.

perducere conaris? Ita quidem, ut id,
quod Herricus apud Altisiodorum Galliæ
Monachum ad Carolum Calvum olim
scripsit, mutatis nominibus tibi sit accla-
mandum: *Multa sunt tue monumenta clementiæ,* Browne-
rus in Ant-
tiq. Ful-
dens. c. 9.
multa symbola pietatis. Illud autem vel maximè æ-
ternam tibi parat memoriam, quòd Patrui Tui
*magni Theodori studium erga immortales dis-
ciplinas non modò ex aequo repræsentas, verùm etiam*
incomparabili fervore transcendis, dum quod ille so-
*pitis eduxit cineribus, tu fomento multiplici tum be-
neficiorum, tum auctoritatis usqueaque provehis.*
Excipe igitur, Celsissime Princeps, illo
Tuo serenissimo bonisque literis semper
arridente vultu volumen istud, in quo
Majorum Tuorum res in toga sagoque
pro patria ac Ecclesia fortissimè gestas
magna cum voluptate conspicies, repe-
tesque nobilissimæ gentis Tuæ à vetustis-
simò Comitum Oldenburgicorum stem-

** 2

mate



E P I S T O L A

mate deductam originem, Theodori magni patrui tui religionem, pietatem, iustitiam, prudentiam, fortitudinem, atque in omnes honestas disciplinas flagrantissimum studium intueberis; Caspari avi tui sapientiam, fidem ac Orthodoxæ religionis strenuam propugnationem; Guilielmi Livoniæ & S. R. I. Principis invictam animi magnitudinem, & in adversis admirabilem firmitatem atque constantiam; Friderici proavi integritatem, doctrinam, prudentiam, dicendi vim; Joannis celeberrimi Ascetarii Sigebergensis Antislitis Oeconomicæ rei peritiam, & in veteri disciplina restituenda diligentiam contemplaberis. Ac ne singula familiæ tuæ lumina celebrando sim longior, hic, inquam, leges Majorum tuorum laudes atque encomia, quæ nulla unquam oblitterabit oblivio.

Tu



D E D I C A T O R I A.

Tu verò, Princeps Celsissime, in quem
omnes Majorum Tuorum virtutes admirabilis Dei Opt. Max. benignitas ac munificientia congesit, & quodammodo ad compendium contulit, fruere eximiis animi Tuidotibus, fruere famâ Tui, fruere dulcibus ante omnia Musis, & ad summam usque ætatem pervive, & felicissimis, Te spirante, populis impera. Paderbornæ Idib. April. M D C L X X I.

** 3

I N-

